

漢名臣傳

四下



內閣文庫	
三六	二三〇五
函架	冊號

內閣文庫	
元	二

內閣文庫	
番號	漢 2305
冊數	160 (104)
函號	290 43



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



罪儲

詔如所請行十九年二月宏烈至柳州疏
柳州兵數不下三萬逆賊不端誘惑人心不
一近以乏餉致粟臣欲擒誅首惡恐激衆生
變又費兵力只得暫為姑容大抵此股兵馬
積成驕悍必俟殺盡邊界逆賊後設法陸續
解散安置現在馬承蔭兩協五營
勅畫給糧餉先收七千八心鼓勵前在兵不
為內地交患疏上未及
報聞而宏烈已為承蔭
空舟赴柳城會

稟名並傳

卷四

議潛伏賊党劫之潰其營遂挾宏烈往九月
至貴陽逆尊吳世璠誘以偽職宏烈罵賊不
屈遂遇害十一月征南將軍穆占攻復貴陽
收骸骨以

聞

上曰傅宏烈宜力粵西勞績茂著陷賊不屈
捐軀殉難忠節可憫下所司優卹令由駟歸
櫬贈太子太師廕子入監
賜祭葬如典禮諡忠毅並

允廣西巡撫郝浴請建雙忠祠于桂林與前
爲吳世璠所害之巡撫馬雄鎮並祀

世宗憲皇帝時入祀昭忠祠子明垣由廕生
官知州

杜篤祐列傳

杜篤祐山西蒲州人明崇禎舉人

世祖章皇帝順治二年授延安府推官五年
行取授戶科給事中七年疏言各省錢糧總
歸戶部我

朝定鼎七年以數千萬金錢任部臣之出入
從無一疏奏銷年復一年互相隱卸臣職司
部垣屢催通州坐糧廳收發漕糧清冊久不
造報一事如此其餘可知請
勅循舊例年終逐一奏銷以杜朦混又司官
出差期滿必經堂官考核題准回部管事方
許另差乃有揚州鈔關主事張彥珩甫屆報
滿戶部不行考核輒題管大迤橋糧務專擅
違例並請

旨嚴飭疏下內院及吏部察議尋議錢糧雖
有冊檔可據不依例奏銷寔爲怠玩司官差
滿未經考核不應題差戶部諸臣降罰有差
八年四月

命赴山西賈頒

恩詔還奏沿途目擊達賴喇嘛等自直隸赴
山西遇大雨泥濘車輛遲滯夫馬苦遭鞭撻
以致駟夫斃命者六人倒斃馬螺共十九匹
應請

漢谷目傳卷四
三
自勅理藩院嚴飭嗣後滿漢奉差官員如有
額外需索苦累駟遞各撫按指名劾奏治罪
下部議如所請八月充山東正考官九年七
月遷吏科給事中十二月疏劾左都御史房
可壯自任總憲不能秉公糾駁惟以無益條
陳苟且塞責大計在卽舉劾尤宜公正難容
尸位素餐請
賜處分

上命可壯回奏奏上篤祐復劾其疏詞支飾

可壯乞休歸事詳房可壯傳十年三月篤祐
疏言前明詔天下戶口編造黃冊所以定賦
役覈隱漏清逃亡爲法甚善今賦役豈無涸
冒戶口豈無凋零奸民豪戶豈無飛派貪官
汚吏豈無挪移况窮民之失業者累及里圖
紳衿之優免者加諸貧弱請查照前明舊例
斟酌行之其過割之影射作何清剔審編之
隱瞞作何釐正戶口之例絕作何開除流移
之就居作何安頓務將丁糧戶口編輯全書

漢谷田傳
以重民命

上以奏有可採下部議行十一年三月遷戶
科都給事中四月疏陳清釐閔弊四事一閔
員例以一年報滿而吏員積年不換把持既
久索端愈工宜令役滿者通行裁革一商稅
止聽各閔報銷無憑稽核請別立稅票分給
商船徑投所在官司按票造冊送部磨對以
杜侵欺一各閔主事宜迴避本籍豫絕弊端
一差滿繳批毋得逾限逗遛滋事下部議從

之是月又言通政使崔過狀詞請

敕部速結以伸冤抑又因直隸藥城等州縣
奉

詔蠲免錢糧仍私自征收請

勅各督撫清查被災戶口提驗各戶由單會
送部科磨對使貪官藏奸無所並從之五月
疏言直隸報銷

國課本以防奸詎里書指名攤派牧令復借
稱上官經承使費上下分肥至駐敗被添累

漢名臣傳

卷四

三

民已甚

上曰銷算錢糧攤派使費急宜痛革其酌定畫一之規以除民害尋

允部議州縣逐年分晰款項備造清冊由司達部不得派費滋弊苦累小民并

諭各督撫嚴飭行八月陞太僕寺少卿十三年四月遷左通政六月遷宗人府丞十月擢戶部侍郎明年丁母憂歸十五年服闋補原官十六年三月

論獎勤勞奉職諸臣加篤祐太子少保

聖祖仁皇帝康熙四年調工部侍郎七年轉吏部九年三月擢都察院左都御史五月因御史季振宜劾吏部尚書黃機以降級侍郎朦混開列陞授尚書下都察院及吏部議以篤祐前任吏部侍郎時與尚書瑪希納等徇庇不舉應降級得

旨寬免十一月疏言降級革任人員不論有無寬抑甫經離任卽具呈辨復不足以清銓

法疏下部議禁止十一月以京察屆期上言
入法處分應詳註劣蹟無得濫稱不孚衆論
又六科向無堂官止令本科掌印開送恐有
瞻徇應移送吏部都察院堂官考察皆下部
議行明年二月乞休
命以原官致仕尋卒于家

馮溥列傳

馮溥山東益都人順治三年進士四年補
殿試改庶吉士六年授編修十年五月遷司

經局沈馬七月遷國史院侍讀十一年授國
子監祭酒十三年正月遷宏文院侍講學士
十二月轉秘書院侍讀學士充

經筵講官十六年九月擢吏部右侍郎十一
月給事中張維赤疏言向例各部郎中等咨
送學道聽候吏部掣籤遇別項應陞缺出理
合扣留今郎中吳六一等待掣學道竟行別
補顯係朦混徇私

上命吏部回奏時尙書孫廷銓侍郎石申並

漢名曰傳
暫假溥奏言學道員缺以各部送到郎中員
外主事考補乃舊例也此次已奉

特旨停考止論俸深部員及知府應陞者補
用吳六一等雖經保送不復候考學道遇別
項缺出應卽陞補非朦混臣初任吏部此
事同禮部公議非臣一人所得行私奏入事
得釋

聖祖仁皇帝康熙元年轉左侍郎時左都御
史阿思哈已奏停各省巡按因議遣大臣二

人巡察督撫設衙署十城東西聽其召募書
役溥疏言

國家設立督撫皆係重臣今弗信之又遣兩
大臣稽察權旣太重勢復相軋保無下屬仰
承胥役恣橫之弊况創設衙署勞費頓民事
多不便疏入遂寢前議二年四月御史李秀
疏劾溥與尚書孫廷銓同郡同官腹心相結
廷銓目疾百事曠曠凡遇會推會議溥任意
徇私毫無顧忌廷銓弟舉人廷鐸於會試後

赴部考取推官廷銓借名迴避寔假手于海
無異自定優考大臣藐法何以振肅百僚

上諭責李秀諗詞詬訾仍

命廷銓與溥回奏溥奏言下第舉人赴部考
選推官知縣本無不許大臣子弟揀選之例
考試時糊名公閱取定高下孫廷鐸試卷現
貯部庫請

勅滿漢諸臣公同磨勘則公私自見疏入

報聞七月溥乞假遷葬五年七月

命以左侍郎管右侍郎六年充會試副考官
明年擢左都御史時有紅本已發科抄輔政
大臣鰲拜取回改批溥奏言本章既經批紅
發抄不便更改鰲拜欲罪溥

上特旨嘉獎溥所言是

諭輔政大臣此後當益加詳慎批發八年三
月溥因江南有捕役誣良非刑斃命事請
旨嚴定失察官員處分例又疏言

皇上軫念民生窮困令臣等各陳所見臣以

爲欲民安居樂業一在省刑省刑者非謂犯罪而姑寬之也古者罪人不孥今一事牽連証佐或數人或數十人往往本犯尙未審明而被累致死者已多又或遲至七八年仍不結案雖有部限屢請寬期遂至力穡供稅之人拋家失業甚可憫惻乞
敕部嚴飭以後除叛逆外不得提究多人牽累無益証佐若督撫屢請寬限者治以才力不及之罪一在薄稅薄稅者非謂應納而姑

免之也古人云二月賣新絲五月糶新穀言征收之急也百姓之財不過取之田畝今則正月已開征矣舊歲之逋甫償新歲之田未種錢糧從何辨納有司不能設法勸諭或用重刑以懲真有目不忍觀耳不忍聞者請
勅部酌議自後征賦緩待夏秋仍無虧於國課有益於民生疏下戶刑二部議刑部議凡強盜人命重情依限一年逐結不得牽累無辜督撫及承審問官如有隱漏及延遲者並

議處戶部議春季兵餉不能待至夏秋宜仍舊例得

自錢糧夏秋征收本當允行但國用尙在不敷俟充足時戶部奏請更定八月戶部書役陳一魁用部印行文冒領直隸清苑等縣地丁錢糧事發溥疏言錢糧者百姓之脂膏也其已輸在官則

朝廷之帑藏也若任胥役侵盜職掌謂何請嚴定所司處分懲前毖後又言藩王將軍督

撫提鎮購買馬匹以資戰守事屬相同今平南王尙可喜靖南王耿繼茂續順公沈永忠獨牒戶部請免其所買馬匹之稅臣思若許

恩免稅似應一例遵行若

國課所關可喜等不應獨邀異數且恐有匪人借買馬之名漏稅作弊請照順治十六年定例概行收稅以昭畫一皆下部議行九年擇刑部尙書十年二月授

文華殿大學士十一年五月疏言直隸山東河南山西陝西二麥皆登秋禾並茂民間穀價每斗不過值銀三四分當此豐稔之時宜廣爲積貯以備荒年至陝西近邊處所更宜多積以寔軍儲又見連年河決未塞所需夫役及柳枝甚衆請及此豐登將沿河州縣寬免租稅責令種柳庶人無棄力而不時之需亦豫部議下各督撫議行之是年薦起原任光祿寺丞魏象樞兵部給事中成性俱得

旨以科道起用十二年充會試正考官又充重修

太宗文皇帝寔錄總裁官十七年

詔舉博學鴻儒溥同大學士李蔚杜立德合薦原任布政使法若真副使道曹溶叅議道施閏章進士沈珩葉舒崇中書曹禾陳玉璠知縣米漢雯並得

旨召試施閏章授侍講沈珩曹禾米漢雯俱授編修是年疏言向者逆賊狂逞

聖主宵旰不暇臣何敢爲自便之計今四方漸次平定

盛德大業與日俱新臣已衰朽乞賜罷歸

上慰留之十八年充會試正考官二十一年六月復乞休得

旨卿輔弼重臣端敏練達簡任機務宣力有年勤勞素著倚毗方殷覽奏以年邁請休情詞懇切准以原官致仕馳駟回籍遣官護送

以示眷懷八月溥將歸疏言臣遠辭闕下敬抒愚悃伏見

皇上掃除逸孽廓清四海無念不思安全百姓日未出而求衣臣下章奏無不

披覽勞百倍于臣下尙望

皇上靜以宜民寬以敷政凡事非萬不得已者勿爲勞費如旂人遠出籌備糧糈半由借貸祈

皇上曲加體恤外省許告事非督撫所能審

者則遣官其餘勿遣以省騷擾臺灣小醜不
數年必自戕滅勿輕遠進勦鹽課關稅借諸
商寔出諸民近者山海關潼關蒙

皇上停罷部差人情莫不感悅其鳳陽及湖
口亦祈

特渙德音并刪去塩關二差溢額議敘之列
休養閩閩扶植元氣

上嘉納之尋

諭講官組組陳廷敬曰大學士馮溥請老歸

里特賜詩一章適志東山篆章一方墨刻一
册爾等傳諭朕意朕聞山東之仕于朝者大
小固結彼此援引凡有涉于已私之事不顧
國家往往造爲議論彼唱此和務使有濟於
私而後已又聞其居鄉多擾害地方朕皆審
知其弊馮溥久在禁密之地歸里後可教訓
子孫務爲安靜副朕優禮之意是年冬
太宗文皇帝寔錄告成加太子太傅

賜銀幣鞍馬三十年十二月卒于家年八十

有三遺疏上

賜祭葬如典禮諡文毅

李芳述列傳

李芳述四川合州人由行伍隸貴州大定總兵劉之復標下勦水西土司安坤有功授千

總

聖祖仁皇帝康熙十二年冬逆藩吳三桂反劉之復從逆脅芳述往湖北據夔陵巴東關隘芳述謀脫走託他故留四川其妻子在大

定越五年乃得以計取至敘州逆孽吳世璠加芳述偽總兵逼之由巫山襲鄭襄芳述仍留重慶十九年正月勇畧將軍趙良棟進取成都芳述遣弁赴軍前呈繳偽劄隨挽舟逆流而上率重慶府瀘州敘州所屬州縣文武官弁歸順三月趙良棟令芳述招降永寧卽鎮守之其城日久傾圮芳述督兵修築甫竣事偽總兵毛友貴等擁馬步兵萬餘來犯芳述督兵迎擊賊却走尋以悍卒數千逼城乘

漢名臣傳 卷四
夜樹梯攀堞芳述率兵鏖戰斃賊千餘人斬
毛友貴于陣獲器械旂幟無算偽將軍胡國
柱王邦圖等復誘以偽劄及頭武將軍偽印
芳述俱封送趙良棟軍前良棟奏芳述前陷
賊中不從偽令率衆投誠順義可嘉今復固
守孤城不惑餌誘可令爲前導以定雲貴
詔授爲隨征總兵官七月賊陷仁懷合江芳
述移兵守敘州擒胡國柱所遣奸細二人械
送趙良棟軍前斬以徇賊計不得還旋犯敘

州芳述于城外眞武翠屏等山堅壁張旂幟
以壯聲勢賊屢犯不克潛退馬湖謀出木川
犍爲襲取成都芳述偵知之先率兵至犍爲
扼其衝要大破賊衆躡擊至新鎮黃茅岡斬
殺過半降其偽副將夏昇羅應申等收回被
擄男婦二千餘十二月

詔授西寧總兵官仍進征雲南二十年四月
趙良棟用芳述爲前驅由洪雅樂經二縣出
大象嶺之左賊于關山前列五營據橋守險

並于兩岸層布竹排伏賊于後鎗砲交發我
兵欲攻橋口因地險不能進芳述同副將康
嗣元遊擊唐希順等由間道繞出關山之後
舉烽燧爲號首尾夾擊賊不能支退遁關口
芳述督兵奮擊復大敗之追至大渡河降其
僞總兵蔡國明斬獲無算時胡國柱距建昌
聞關山大象嶺俱失棄建昌走雲南芳述遂
復越嶺崑山等衛旋率師渡金沙江會大軍
取雲南賊兵屯于得勝橋相持累月芳述以

偏師奪取得勝橋拔其東西二營二十二年
叙功加左都督三十一年授貴州提督四十
年十一月雲南總督巴錫疏劾遊擊高鑑審
理訟案捏飾並劾芳述牒咨徇隱芳述亦劾
巴錫置咨勿復未會稿遽題有違成例部議
令巡撫察審

上曰李芳述在西寧時甚有聲名此事似曲
在總督巡撫與總督同事未必從公著遣侍
郎溫達前往察審尋還奏高鑑捏詞稟報罪

應徙巴錫未行詳審又不曾同提督具題應
降級李芳述護庇屬員不卽題參應罰俸議
上

上命免芳述罰俸並免巴錫降級四十二年
湖南鎮筵紅苗作亂芳述奉

詔移兵會剿深入苗地平糴塘山及葫蘆天
星諸寨四十三年四月疏言貴州苗民雜處
控制尤在得人保題武職請照文員例以久
任苗地熟悉風土之人揀選坐名題補送部

引

見得

自李芳述提督巖疆居官甚優訓練兵丁俱
極精勇所奏保題武職事如所請行四十五
年四月

上諭兵部曰國家綏靖疆圉安輯軍民惟專
閩元戎是賴有寔能久鎮邊境懋著勞績者
則獎勵酌庸宜逾常格貴州提督李芳述自
歷行間二十餘載屢立戰功及莅事黔省馭

漢名目傳
軍有法訓下知方威望著聞謀猷益殫現今
舊將閱歲之久罕與比倫用沛殊恩特彰優
異著加太子少保授爲鎮遠將軍以示朕褒
寵勞臣至意四十七年十二月卒于任年七
十有七得

旨李芳述簡任巖疆素有威望効力年久茂
著勤勞忽聞病逝朕心深爲軫惻下所司議
卹贈太子少傅

賜祭葬如典禮諡壯敏

梁化鳳列傳

梁化鳳陝西長安人順治三年武進士四年
授山西高山衛守備五年大同總兵姜瓖叛
化鳳從英親王阿濟格攻克陽和城賊將郭
二用就擒敘功陞大同掌印都司時大同左
衛渾源太原汾澤諸郡邑賊衆蜂起六年化
鳳破大同北窰溝生擒賊將李義張豹二月
攻渾源州克三堡破賈莊城擒賊帥王平進
攻左衛下之論功加都督僉事以副將推用

漢名臣傳卷四
五月攻太原賊悉眾殊死戰化鳳身被重創
督攻益力執其偽巡撫姜建勳六月攻汾州
進薄孝義縣穴地置火藥發城圯拔其北
關賊帥沈海襲大營化鳳破走之遂下曹家
記古善信諸寨堡介休平遙祁縣望風悉降
十月攻太原延安皆下進逼沈海于九臺火
其寨海降遂乘勝進定澤州七年復殲餘寇
於牛鼻寨晉地悉平八年授江南蕪永營叅
將勦石皿驚驚二湖盜十二年陞浙江寧波

副將海寇張名振犯崇明之平洋沙總督馬
國柱委化鳳署蕪松總兵事至則遣都司談
忠出戰名振復圍高橋化鳳親馳援勦擊敗
其眾十三年三月寔授蕪松總兵化鳳以平
洋沙懸隔海中爲賊佔聚因沿海築垣長十
餘里引平洋沙入內地且灌田千頃俾斥鹵
盡爲膏腴時海寇鄭成功率眾號百萬先犯
崇明化鳳擒間諜督兵逆戰獲賊渠餘眾潰
遁十六年七月成功以大艦陷鎮江瓜州直

犯江寧南北中梗化鳳率所部兵三千人疾
抵江寧登高審視見賊精銳盡屯江干遂偕
駐防都統喀喀木副都統噶褚哈分儀鳳鍾
阜二門身先戰拔賊巨燾毀其木寨命勇士
踞高發巨砲飛火斂乘勢奮擊於偽總兵余
自新等賊衆奔潰是夜偽帥連營屯白土山
崗化鳳由陸路進兵賊列陣迎師化鳳督諸
軍自下仰攻生於偽提督甘輝等賊大敗奔
北化鳳追斬甚衆別遣部將燒賊船五百餘

艘賊衆自相蹂躪溺死者無算江南遂通成
功敗遁入海化鳳遣將防崇明賊果薄城下
邁化鳳兵自江寧回聲勢相應括民舟出白
茆港絕流迅擊賊復大敗成功僅以身免十
六年八月授輕車都尉世職

賜金甲貂裘十七年擢蘓松提督加太子六
保左都督化鳳疏言蘓松濱海要地延袤八
百餘里原設標兵僅二千餘名請酌調省兵
三千八百名立爲中左右前後城守六營以

資捍禦下部議行十八年七月
上特詔曰海寇入犯江寧時梁化鳳擊敗其
衆繼援崇明保全孤城功亦不小應再敘捷
功加授世職以示鼓勵遂晉爵三等男准襲
八次八月以病乞休
溫旨慰留之九月裁江安廬鳳提督缺以化
鳳爲江南全省提督時議者以海寇初平遊
氛未靖欲立界遷沿海居民于內地化鳳曰
沿海設兵以所棄地畝賦之則國既足兵民

無廢業遷界何爲奏上

詔從其言康熙元年丁父憂令在任終制十
年十一月卒于官

賜祭葬如典禮贈少保諡敏壯以其孫作長
襲爵四十二年

聖祖仁皇帝巡幸西安府遣官奠其墓予鼎
另有傳

許占魁列傳

許占魁陝西蒲城人流寓遼東

欽定四庫全書

卷四

七

漢名臣傳 卷四
世祖章皇帝順治二年隨豫親王多鐸定江南授陝西陽年關叅將六年二月僞侯趙榮貴擁僞秦王朱森釜聚眾數萬犯階州占魁從間道山碧魚口襲其後而先與定西將軍李國翰臨鞏總兵王允久期師夾擊遂大破賊眾陣斬森釜榮貴及僞叅將二俘男婦二百餘人十一年七月遷山西平陽副將時土賊張武擁僞魏王朱秀唐劫掠聞喜縣占魁與遊擊苗成龍等分路搜勦敗賊于紫家峪

斬首百餘級於朱秀唐等十五年調陝西西寧副將十六年八月以裁缺調直隸紫荊關副將

聖祖仁皇帝康熙九年擢延綏總兵官駐榆林十三年陝西提督王輔臣定邊副將朱龍俱叛應吳三桂十四年三月占魁舉首朱龍所與逆書疏言臣雖武夫亦聞大義豈肯移忠貞之素志遺臭名于萬世

上嘉獎下部議敘加都督同知銜先是延綏

標兵調征四川者過半至是朱龍等窺榆林
防守單弱屢糾衆來犯占魁遣副將張國彥
孫維統遊擊謝鴻儒錢應龍等分路堵勦又
自督兵勦賊綏德既已踞城出拒河濱我兵
以砲擊斃賊數百終未能薄城占魁慮賊襲
榆林適張國彥孫維統大破賊兵于懷遠縣
遂率孫維統謝鴻儒等回榆林張國彥回守
波羅堡未幾朱龍煽誘波羅營千總劉尙勇
等突逼張國彥劫奪

勅印國彥禦賊力竭閤門自焚死叛將孫崇
雅引賊衆戕神木道楊三知知縣孫世譽守
備張光斗等遂據神木縣城賊勢猖甚占魁
遣子登隆詣

闕告急

上授登隆鴻臚寺少卿

詔趨現駐大同之將軍畢力克圖副都統覺
和託移師援勦占魁復分遣孫維統錢應龍
等往隨覺和託兵勦賊於斬無算魚河响水

波羅三路營堡及神木縣俱復畢力克圖進
復綏德延安朱龍孫崇雅劉尙勇相繼就擒
伏誅殉節之張國彥楊三知等皆
賜卹贈榆林從征將弁並

特勅議敘占魁疏言自叛提王輔臣令逆協
朱龍竊踞定遠遂陷綏德米脂及葭州神木
賊騎竟至歸德堡北踞榆林僅二十里許臣
集閭城官員士民誓死守城遣調兵馬擊賊
潰遁人心始堅嗣因臨洮鞏昌安慶平涼漢

中興安固原相率從逆獨存榆林孤城餉道
阻隔粒米如珠百姓日食糠粃臣罄捐家貲
于邊地購米計口給散及大兵旣至道臣高
光祉措辦糧草軍需不匱諸將士各奮勇擊
賊刻期奏凱回思逆賊環逆之時榆城危若
纍卵今得安全如常者皆由閭城文武同心
兵民合力宣揚

聖上威德堅守三晉門戶保全數萬生靈旣
恢復十五城堡又招回兵民二萬餘人安輯

漢名臣傳 卷四
得所今出征有功人員已奉

恩旨察敘其在城各官勞績謹另冊開報所
勅部核議以爲困守孤城者勸
上諭吏兵二部曰鎮臣許占魁道臣高光社
及文武各官勦禦賊寇保守孤城措辦糧草
安輯地方寔心任事深爲可嘉俱從優議敘
于是光社與各官加職有差占魁晉左都督
子騎都尉世職尋以病兩疏乞罷並奉
溫諭慰留十六年八月擢奎儀衛奎儀使占


魁聞

命復以疾劇乞罷得

旨卿久鎮岩疆勦滅賊寇安輯地方勞績茂
著特擢奎儀使正資倚任覽奏以病乞罷情
詞懇切准馳駟回藉調理仍支原俸俟病痊
起用十二月卒于家年七十有二
勅所司予卹兵部議加贈禮部以奎儀使舊
無卹例奏上
特旨贈太子少保

漢名臣傳卷四終

賜祭葬如一品例諡曰恪敏長子登隆仕至
雲南臨安知府次子登陔襲世職



漢名臣傳卷四終



天保三印

